


NA HAGORE TARAI
KE KUDO,
VUOVUGOI MA NA LAVI,
ME
KEKEHA HYMN.

[SHORT DAILY PRAYERS,
WITH HYMNS,
IN THE BUGOTU LANGUAGE.]

A. Copell
16.6.36

264.03 BUG



MOORE THEOLOGICAL COLLEGE LIBRARY



3 2042 10026352 8

NA TARAI KUDO KE VUOVUGOI.

¶ *Da salea na Hymn, gvu na Mane tano keda gagua,*

KU koli mu nere, ku rarai ; eigna a Lord ke vathagan.—
Psalm 3. 5.

KATIDA tuturi ana na paluhada vania God puku ni mana.

¶ *Na mavitu da toronagi tuturu mada sakai hagorea na Unuhi paluha.*

NAU ku tuturi aua na komi paluhagu vania God a Mama,
God a Dathe, ma God a Taruna ke Tabu, mi nagodia na
komi Angel mi mara na Tabu gougovu, na eigna ku hahi tagna
na komi gagana, ma na komi hagore, mi tagna na komi nigua na
tano. Na vunegna ianeni inau ku kaea God a Mama, ma Dathe
ma Taruna ke Tabu gi keda talutavoga vaniu na komi palu-
hagu, na vunegna Jesus Christ na nimami a Lord. Amen.

¶ *Na Mane tano keda hagorea,*

LORD puku ni raro, igami kiti tarai vanigo, Ko lubatia
vanira mara nimua na tinoni kena vantutunia, na unuhi
paluha ma na soleana ; igami da raraha eigna na paluhamami
gougovu, da agutu sasapiro vanigo ; vunegna Jesus Christ na
nimami a Lord. Amen.

¶ *Ma na Mane tano keda gagua,*

Lord, Ko hanavia na poapoha i livomami.

Me keda veletokego na livomami.

God, saisami mai, vahavigami.

Lord, rage mai, hathegami.

¶ *Na mavitu da sokara, ma na Mane tano keda gagua,
Kilothaba a Mama, ma Dathe, ma Taruna ke Tabu ;
Ke vagagna i hau, mi keagaieni, me boi hui. Amen.*
Koti kilotokea a Lord.
Igami kiti kilotokea na ahagna Lord.

PSALM 95. 1-6.

IGITA kati sale vania Lord : igitu kati sale *ninili* lealea vania na gahira i vahavida.

Igitu kati vano hagoretokea tagna na matagna : ma kati sale *ninili* vania na sale.

A Lord Imanea a God ke thaba : ma na Vunagi haluhadi tadia na komi god *gougovv*.

Kori limagna na komi logu ke horuga : ma nigna gua na hadigagna na komi suasupa.

Nigna na horara, me ke eia manea : ma na limagna ke vuha na paritina.

Igitu kati uluhoru, mati pogo horu : ma kati toronagi tutu-ruda, vania a Lord ke vuhagita.

Kilothaba a Mama : ma Dathe, ma Taruna ke Tabu ;
Ke vagagna i hau, mi keagaieni : me boi hui. Amen.

¶ *Da ijumia na vidoi Rioriso ke tabu, govu da salea na Psalm iaani.*

PSALM 100.

KOTI *ninili* tootogo vania Lord : na maramagna taligu :
Koti lealea vania Lord : vano sale mai tagua na matagna.

Koti githatha a Lord imanea a God : Ke eigitu imanea, me boi igita geheda ;

Nigna na mavitu igita : ma na komi *sheep* tagna nigna na taliao.

Koti hage mai kori nigna na hage tha i peo : tagna na sale i hagoretokeagna ;

Mi kori nigna na lalaba tagna na salethabagna : koti vele-tokea na ahagna.

Imanea a Lord ke hehetoke : me ke rarovigita hahali.

Ke tutuni hahali : tagna na komi pagusu *gougovv*.

Kilothaba a Mama : ma Dathe, ma Taruna ke Tabu ;
Ke vagagna i hau, mi keagaieni : me boi hui. Amen.

¶ *Da talu sokara ma da sakai hagorea,*

NAU ku vaututunia God a Mama, ke vavuhau inau ma na komi fata gougovu.

NAU ku vaututunia God a Dathe, ke hui tabiru inau ma na komi tinoni gougovu.

NAU ku vaututunia God a Taruna ke Tabu, ke va tabu inau marahai gougovu a God ke vahira gohi imaraira. Amen.

¶ *Govu na Mane tano keda gagua,*

A Lord da mono duamin.

Mi tagna a tarunamu.

¶ *Na Mane tano,*

Igita kati tarai.

¶ *Na mavitu da toronagi tuturu ma da sakai hagorea,*

MAMA i popo, da tabu na Ahamu, da mai na hugutamu. Da legua na hehemu, i thepa ke vagagna i popo. Hegami mai keagaien na vana ke nabamami legumagavu. Ko unnhia na paluhamami, ke vagagna igami kiti unnhia na paluhadia. Ko sagoi lubatigami kori auau; Mo ko hati angami kori koakoa. Eigna na nimua na huguta, ma na thaba, ma na silada, ke hau me hau. Amen.

¶ *Na Mane tano keda ijumia na Collect ke nabagna na magavu, govu da ijumia iaani.*

LORD, Mama i popo, God puku ni mana, puku ni havi hau, Ko hati mamaluha gami mai gi iti jufu kori vuovugoi iaani: Ko sokara punnsigami kenugua tagna nimua na heta, gi kitida boi kutu kenugua tagna na koakoa, miti boi vano pada na thehe haihavi: mo ko tagaolaginia nimami na tano gougovu giti talu eia na fata jino kori matamu, eigna Jesus Christ na nimami a Lord. Amen.

LORD puku ni mana, puku ui havi hau, Igoe vamua ko eia na komi regithehe. Ko vetula horua mai nimua a Taruna i havi vanira na komi Bishop, mi mara na komi Mane Tano, ma na Kiloau udolu : Ko rote habalia nimua na susa i sonihathavu i popodia, *gi* kedana legu tutunia na hehemu. Lord, Ko sonihathavua vanigami mai hiri, na vuhagna a Jesus Christ, ke hogathagami, me ke tarai vanigo tugugami. *Amen.*

Kori Melehada.

GOD puku ni mana, Ko dorovi hehetokegami kiti haidu hathatano eeni ; mo ko reiregia na meleha iaani tagna na vahagi, ma na *nenere*, ma na joto, ma na kaja, ma na agnu ma na komi thehehaihavi *gougovu* ; ma na puku ni fata ko hathegami *gougovu*, *gi* kekeha kedana velepuhi toke mi kekeha kedana ronovi toukakea ; migami *gougovu* kitida mono toke, eigna na kilotokegoagna Igoe, mi kiti talu gaganara mua kekeha meleha kena talu mono mua kori puni ; eigna Jesus Christ na nimami a Lord. *Amen.*

NA TARAI NA NIGNA S. CHRYSOSTOM.

GOD puku ni mana, Ko vabathavua vanigami mai gohi, igami kiti sakai tarai hathatano vanigo ikeagaieni ; mo ko kidi taluhagorea gohi, *gi* e rua na tinoni be tolu kena haidu toatoga na ahamu, koda hea na fata kena amaama vanigo ; Lord, Ko vakatheha na hehemami keagaieni : ma nimami na tarai naba na hathegamigna ; hegami mai na adoagna nimua na hagore tutuni tagna na maramagna iaani, ma na havi boi hui tagna na maramagna keda mai. *Amen.*

2 Corinth 13. 14.

NA sonihathavu na nigna a Jesus Christ na nimami a Lord, ma na dotho na nigna a God, ma na faidu na nigna a Taruna ke Tabu, da mono duamami e hau me hau. *Amen.*

NA TARAI KUDO KE LAVI.

¶ *Da'salea na Hymn, govu na Mane tano keda gagua,*

KUDA koli soleana mu ku nere nigua : eigna Igoe, Lord, gehemu ko eiu gi u talu mono nanasa.—*Psalms 4. 8.*

KATIDA tuturi aua na paluhada vania God puku ni mana.

¶ *Na mavitu da toronagi tuturu mada sakai hagorea na Unuhi paluha.*

NAU ku tuturi aua na komi paluhagu vania God a Mama, God a Dathe, ma God a Taruna ke Tabu, mi nagodia na komi Angel mi mara na Tabu gougovu, na eigna ku hahi tagna na komi gagana, ma na komi hagore, mi tagna na komi nigua na tano, na vunegua ianeni inau ku kaea God a Mama, ma Dathe ma Taruna ke Tabu gi keda talutavoga vaniu na komi paluhagu, na vunegua Jesus Christ na nimami a Lord. Amen.

¶ *Na Mane tano keda hagorea,*

LORD puku ni raro vi, igami kiti tarai vanigo, Ko lubatia vanira mara nimua na tinoni kena voututunia, na unuhi paluha ma na soleana ; igami da raraha eigna na paluhamami gougovu, da agutu sasapiro vanigo ; vunegua Jesus Christ na nimami a Lord. Amen.

¶ *Ma na Mane tano keda gagua,*

Lord, Ko hanavia na poapoha i livomami.

Me keda veletokego na livomami.

God, saisami mai, vahavigami.

Lord, rage mai, hathegami.

¶ *Na mavitu da sokara, ma na Mane tano keda gagua,
Kilothaba a Mama, ma Dathe, ma Taruna ke Tabu ;
Ke vagagna i hau, mi keagaieni, me boi hui. Amen.*

Koti kilotokea a Lord.

Igami kiti kilotokea na ahagna Lord.

NA HAVIGU. *S. Luke 1. 46-55.*

NA havigu ke kilothaba a Lord : ma na tarunagu ke nia lealea Imanea a God a Vahavigu.

Imanea ke sirohorna : nigna na vaivine tano ke talulegua.

Regia, ikeagaieni ke turugu : na komi pagusu gougovu ke-dana kilotoken.

Imanea ke eia vaniu na regithehe : me ke tabu na ahagna.

Ma nigna na raro vi vanira kena nia maimanihihia : itagna na komi pagusu ma na pagusu.

Ke tatelia aua nigna na mathagai tagna na limagna : gi e vareora kena talunagora gehedia eigua na gagana tagna na hehedia.

Ke thagihorura tagna na bali sopoudia kena thaba : gi e thagihadira kena talulegura.

Imanea ke vamahura kena rofo tagna na komi fata ke toke : me gigi vavahara kena pada rono.

Imanea ke hathea Israel na nigna na tinoni : gi e gagana tabirua nigna na raro vi ;

Ke vagagna ke hagorea vanira ara hutuda : vania a Abraham, ma na vinahuhugna ke hau me hau.

Kilothaba a Mama : ma Dathe, ma Taruna ke Tabu ;

Ke vagagna i hau, mi keagaieni : me boi hui. Amen.

¶ *Da ijumia na vidoi Rioriso ke tabu, govu da salea iaani.*

LORD, IKEAGAIENI. *S. Luke 2. 29-32.*

LORD, ikeagaieni ko lubati soleana nimua na tinoni : ke vagagna ko hagorea gohi.

Eigna na matagu : ke regia gohi na vahavimu.

Ko kidi kaikalitia : tagna na matadia na komi mavitu gougovu ;

Na raraha ke valaemara na komi binaboli : ma na siladadia ara Israel nimua na mavitu.

Kilothaba a Mama : ma Dathe, ma Taruna ke Tabu ;
Ke vagagna i hau, mi keagaieni : me boi hui. Amen.

¶ *Da talu sokara ma da sakai hagorea,*

NAU ku vaututunia God a Mama, ke vavuhau inau ma na komi fata gougovu.

NAU ku vaututunia God a Dathe, ke hui tabiru inau ma na komi tinoni gougovu.

NAU ku vaututunia God a Taruna ke Tabu, ke va tabu inau marahai gougovu a God ke vahira gohi imaraira. Amen.

¶ *Govu na Mane Tano keda gagua,*

A Lord da mono duamiu.

Mi tagna a tarunamu.

¶ *Na Mane tano,*

Igita kati tarai.

¶ *Na mavitu da toronagi tuturu ma da sakai hagorea,*

MAMA i popo, da tabu na Ahamu, da mai na hugutamu. Da legua na hehemu, i thepa ke vagagna i popo. Hegami mai keagaieni na vana ke nabamami legumagavu. Ko unuhia na paluhamami, ke vagagna igami kiti unuhia na paluhadia. Ko sagoi lubatigami kori auau ; Mo ko hati augami kori koakoa. Eigna na nimua na huguta, ma na thaba, ma na silada, ke hau me hau. Amen.

¶ *Na Mane tano keda ijumia na Collect ke nabagna na magavu, govu da ijumia iaani.*

LORD, igami kiti kaego, laemagami kori puni ; Ko sokara punusigami tagna na thehehaihavi ma na hoholo ke sethe kori boni iaani ; na vuhagna ko dothovia a Dathemu havi sopa, a Vahavimami Jesus Christ. Amen.

LORD puku ni mana, puku ni havi hau, Igoe vamua ko eia na komi regithehe. Ko vetula horua mai nimua a Taruna i havi vanira na komi Bishop, mi mara na komi Mane Tano, ma na Kiloau udolu : Ko rote hahalia nimua na susa i sonihathavu i popodia, *gi* kedana legu tutunia na hehemu. Lord, Ko sonihathavua vanigami mai hiri, na vuhagna a Jesus Christ, ke hogathagami, me ke tarai vanigo tugugami. *Amen.*

Eidia na Bonihehe.

GOD puku ni mana, Ko rarovira na komi tinoni kena talu bonihehe, mena mono mua kori puni ma na unaua i thehe. Ko vetula atu nimua a Taruna ke Tabu, *gi* e tano heta tagna na hehedua, *gi* ena regivaugithatha nidia na komi koakoa, maraira kedana ronovi voututuni na hagore eigna Jesus a Vahavi, maraira kedana tanoli tootogoa na roorono mathanani ke nabagna na havi hau ; eigna Jesus Christ na nimami a Lord. *Amen.*

NA TARAI NA NIGNA S. CHRYSOSTOM.

GOD puku ni mana, Ko vahathavua vanigami mai gohi, igami kiti sakai tarai hathatano vanigo ikeagaieni ; mo ko kidi taluhagorea gohi, *gi* e rua na tinoni be tolu kena haidu toatoga na ahamu, koda hea na fata kena amaama vanigo ; Lord, Ko vakathea na hehemami keagaieni : ma nimami na tarai naba na hathegamigna ; hegami mai na adoagna nimua na hagore tutuni tagna na maramagna iaani, ma na havi boi hui tagna na maramagna keda mai. *Amen.*

2 Corinth 13. 14.

NA sonihathavu na nigna a Jesus Christ na nimami a Lord, ma na dotho na nigna a God, ma na faidu na nigna a Taruna ke Tabu, da mono duamami e hau me hau. *Amen.*

KEKEHA TARAI.

Eigna a Bishop

MAMA puku ni raro vi, igami kiti tarai vanigo, Ko rotea horu mai nimua na sonihathavu i popo, popogna nimua na tinoui, ; mo ko mauaniagna nimua a Taruna ke Tabu, *gi* e tuturi tokea nimua na hagore, me keda hatia na hetagna na geigesí, ma na kaekae, ma na tinarai kori hehe i uluhoru ma na thaothadoga. Mo ko hathea gua imanea *gi* keda talua na sinathagi ke toke vanira arahai ke vantutuni kori hagore, kori mono, kori dotho, kori vantutuni mi kori kutu ke gnagura me ke raraha ; *gi* tagua ke tano toke govu gohi, Ko eia *gi* keda hatia kori vagongovu i magavu na fifiri ulu ke jino ke kalitia vania tagua Lord a Fate ke jino, Imanea hina ke havi me ke vunagi, God sikei vamua, tagua a Mama ma Taruna ke Tabu, na maramagna ke teo na uulugna. *Amen.*

Na Tano Pui i Melanesia.

GOD puku ni mana, na komi moumolu kena pitugo Igoe ; da sonihathavua mai nimua na vatoke i popodia a Bishop mi mara na Tano gougovu punusia na Tano Pui i Melanesia, mi popodia arahai gougovu kena velepuhi, marahai kena vaovaronono ikoragna na komi school itagna, *gi* maraira kedana tuturia na Ahamu kori maramagna ma na havimu vanira na komi vike gougovu. Lord, da vasulara imaraira kena kookono ; da peo-punusira *gi* e kathera na komi thehehaihavi ; da vathagara kori auauradiagna ; ma da lubatia vanira na hehe ke suato i popomu, *gi* ena tano kikitiri vanigo. Lord, a Tono i Gegeli, ko vetulara mai mara nimua na tano kori nimua na gegeli ; da nira udu a Taruna ke Tabu arahai na sinathagidia kena ulagadia na tano iaani, *gi* ena lubati tabirura gehedia vanigo, ma da manauira *gi* ena tuturi tatea na siladamu ; eigna Jesus Christ na nimami a Lord. *Amen.*

Eidia ara kulada kena mono hau.

LORD God igami, Ko mono soasopa, meleha ma na horara keda boi thevurna itamua. Gami kiti adoa *gi* arahai kena mono hauira ara kuladia da talu thanu mua itamua. Na vunegna ianeni gami kiti kaego koda reiregi tokera ara gamami tamatahi kena mono thevurna tamamami ikeagaieni. Keana igami mara kulamami kiti mai thaego nia na veihathegi kitida faidu nia na atho faidu i dotho kori faidu Taruna, na faidu toke nidia mara na tabu.

Agai, gami da goi veiregigi gna kori maramagna iaani, ba (vagagna ke toke kori nagomu, Vunagi hahali), gami da veiregigi kori sokara tabiru nidia mara na jino mada hage haidu kori vathemu, e sethe na voki ikoragna, ko kalitia vanira kena dothovi kakaigo; eigna Jesus Christ na nimami a Lord. *Amen.*

Na Hagore Veletoke.

GOD puku ni mana, puku ni raro, igami nimua na tinoni kiti bosi naba, migami kiti hagore tokego haluhadi, eigna ko hehetoke mo raroigami ma na komi tinoni gongovu. (*Eigna ko regi thovohaliura imaraira iruani, kena magnahaginia na veletokegouagna.*) Igami kiti hagoretokego eigna ko vavuhagami, mo palikutigami mo ko hegami na komi fata toke, ke naba tagna na monoamami eeni. Migami kiti hagoretokego puala, eigna ko huia na maramagna, ma nimua na dotho hutu puala, na vunegna Jesus Christ na nimami a Lord: eigna ko turugua gua kekeha puhi da hatia na sonihathavu itagna; migami kiti mono pitua na silada vugoi valiha.

Migami kiti kaego, ko vahathavua vanigami mai na adoagna na sinathagimu ke hebe i dotho gongovu, *gi* na hehemami keda veletokego tutuni, migami da b si tuturia na ronoragamu tagna na livomami vavaha vamua, keana tagna na monoamami hina; migami da vano Tabu, vano jino, tagna na matamu kori magavumami; eigna Jesus Christ na nimami a Lord, kiti tuturia na ronoragagna ma na thabagna duamu, mi duagna a Tarua ke Tabu, ke boi hui na hugutamu. *Amen.*

KEKEHA HYMN.

Vuovugoi.

1.

Bristol 128

A Mama i popo,
 Ronoviu inan,
 Nau ku eu sale
 Keagaieni.
 Kori puni geni
 Ko reiregiu,
 Ko hathen inan
 Dani iaani.

Ko adoa hiri
 Komi fata,
 Ke garani mai
 Keagaieni.
 Ku bosi regia
 Komi thagi fata,
 Ko abe hadiu
 Dani iaani.

Ko velepuhiu
 Na puhimu,
 Gi kuda legugo
 Goe hiri.
 Kuda school toke,
 Kuda tarai toke,
 Kuda mono toke
 Dani iaani. Amen.

Lavi.**2.****A. & M. 27**

Me boni hi, na aho ke huu hi,
 Mama, Ko mono pituu inau :
 Sagoi haunuu inau ku nere,
 Vakavenau dathemu tamua.

Ku bosi laba mua na meleha,
 Nimua na mono siasilada hau,
 Na komi Angel neneneni tamua,
 Kena sokara kori raraha.

Ke bosi huu na aho itamua,
 Na aho ke huu tamami eeni ;
 Jesus na aho, Jesus na raraha,
 Ko vasiladau e hau me hau.

Gami kiti veletokego, God,
 Dani ma boni bosi govu mua,
 Na komi Angel ke sale vanigo,
 Mama, ma Dathe, ma a Taruna. Amen.

3.**A. & M. 13**

Huu na aho ke kutu hi una
 Ke horu saissami ;
 Magavumami ke vano
 Gi giagilai thehe.

Lord, ke abea na limamu
 I hau i Calvary,
 Igoo ko kalitigami
 Giagilai mamatho.

Tarunamami ke rofo, Lord,
 Lanasa eimu Igoo,
 Lubatia mai na Taruna
 Havi kori hehemami.

Havi ke futu mai tamua,
 Kori siladamu,
 Na mavitu gongovu
 Regia na silada. Amen.

Na Komi Magavu.

4.

A. & M. 166

Vike gongovu i thepa
 Koti sale vania Lord ;
 Da vano kori nagona
 Moti sale tootogo.

A Lord, manea puku ni God,
 Manea ke vavuhagita ;
 Na mavitu nigna igita,
 Ma na nigna na komi *sheep*.

Kotida hage mai tagua
 Na hageha i peogna,
 Da vano kori Vathegna,
 Vatokea na ahagna.

Manea Lord hehe dotho,
 Me ke raro vi hahali ;
 Nigna na dotho ke mono
 Tagua na komi pagusu.

Da kilotokea nida God,
 Na vuhagna na havi hau,
 Da kilotokea i popo,
 A Mama, Dathe, Taruna. Amen.

5.

A. & M. 50

Na ahagna ke gnagura,
 Na ahagna a Jesus Christ,
 Ke toke kori kuligu,
 Ke mugna kori livogu.

Na aha ke vamanara
 Maraira na komi thogu,
 Na doa kena reirei,
 Kena raraha tabiru.

Na aha ke thaba vano
 Tagna na komi taruna,
 Mi tagna na tinoni gua,
 Teo ahai ke nabagna.

Lord Jesus, ko hatha gua
 Na matamami ke puni,
 Gi iti reirei nanasa
 Kori nimua na Kiloau.

Kori Ahamu ke toke
 Da toronagi tuturu,
 Mena nia uluhoru
 Na veletokegogna Lord.

Lord, vasula na hehemami,
 Gi iti kilo hahalia
 Na ahamu ke gnagura,
 Lord, na Ahamu i vatoke. Amen.

6.

"Yield not to temptation."

Sokara punusia Satan, sagoi lubati vania,
 Ke haga pili gita a piapilau ;
 Sagoi hiia vanoa, legua vamua Christ,
 Regi legua vamua, ke hathegita.

Da kaea a Jesus,
 Da reiregi gita,
 Da vathaga gita,
 Katida nia nago.

Sagoi faidu tadia kena ei dika,
 Sagoi hagore dika, sagoi piapilau ;
 Katida maimanihihia God a tamada,
 Mono talu legu, hehetutuni.

Da kaea a Jesus.....

God, ke kalitia vanira kena nago
 Tarinlu silada, teo na huigna ;
 Hai keda pejuragi, da sagoi kutu
 Regi legua Jesus, na bali hatheda.

Da kaea a Jesus..... Amen.

7.

A. & M. 274

Nan ku haga ijumia
 Eigna Jesus Dathegna God,
 Ke horu mai i han ;
 Me mono tada i thepa.

Me ke taviti kilili,
 Kori meleha tabu :
 Me ke hathe rarovira
 Mara thehe sasani.

Boi siriu haginira
 Ke hiroa veiathegi ;
 Ke vathaga na tutuni
 Nia na regithehe.

Me ke nia tano hahali,
 Na komi fata toke,
 Me bosu boi sikei fata,
 God ke talua vania.

Boi bekuku haginira,
 Kena taria i Manea ;
 Me ke rarovira govu,
 Kena tupipuhia.

Eigna na roorono,
 Ke vetula huhuru ;
 Gi da legu hahalia,
 Na monoagua ke toke. Amen.

Vathaga.**8.**

A. & M. 281

Mama, batura dathemu
 Sethevu i maragata,
 Vakadia keda luvu
 Gi koda boi hathera;
 Keda sola gi igoe
 Da hati nanasara.

Jesus, havi popodia
 Mamatho talutavoga;
 Kori auau radiagna
 Goe ko paapara;
 Tahimami hati hadia
 Tadia ke pejuragi.

Hai ke lanasa da kou
 Popodia horn mai,
 Vathaga na hehedia
 Kena mono soleana;
 Da Igoe God i tadia
 Teo keda kathera. Amen.

Christmas.**9.**

Jesus ke havi eigna Bethlehem,
 Komi Prophet kena velea;
 Ke sokara ikeagaieni,
 Gita kati regia Lamb.

Ke heigita na soleana
 Nia na hehe ke toke;
 Kilothaba dathegna God,
 Jesus Christ ke havi mai.

Katida regia na siladagna,
 Silada haluhadi ;
 Na havi kori limagna,
 Keda vahavigita.

Komi Angel kena kilothaba God,
 Gita sale hathera ;
 Kilothaba dathegna God,
 Jesus Christ ke havi mai.

Toke katida salea na sale
 Tootogo ke hutu ;
 Vunegna manea ke mai,
 Jesus Christ ke havi mai. Amen.

Carol.

10.

C.H.B. 402

Ke havi mai geni,
 Na Meomeo ke toke ;
 Ke nabagna na Vunagi
 Nabagna na thaba.
 Rorono ke toke,
 Katida salea,
 Ke havi mai na Vunagi,
 Kori Christmas iaau.

Rorono iaani,
 Mara reiregi *sheep* ;
 Kena rarai kori boni,
 Me kena ronovia.
 Rorono ke toke.....

Regira i popo,
 Na boo ke sethe ;
 Ke vetulara horu mai,
 Na *soldier* nigna God.
 Rorono ke toke.....

Kilotokea God,
 Puku ni Vunagi;
 Kilothaba gua i popo,
 Komi Angel salea.
 Rorono ke toke,
 Katida salea,
 Ke havi mai na Vunagi,
 Kori Christmas iaani.

Veletokea God,
 Thaba halu hadi;
 Kilotoke hehetoke,
 Kori tootogo.
 Rorono ke toke.....

Sogivaugithatha.

11.

A. & M. 296

Jesus, ke havi mai tagna Mary,
 Ke nia sokara na gnagna;
 Na nigna vetula God.
 Legua taluhagore nigna God,
 Jesus, ke sogivaugithatha;
 Teo na paluha itagna.
 Eigna gita kati hahi i hau,
 Gagathatani nigna Lord Jesus;
 Ke turugu ikeagaieni.
 Christ ko hathe dothovigami,
 Gami da kilothonabago i goe;
 Da salea Alleluia. Amen.

Vulahadi.

12.

A. & M. 300

Va thaba na komi mana,
 Na nigna Jesus Christ:
 Angel tagumu horu mai,
 Va thaba, thaba, thaba,
 Ke thaba a Lord.

Va thaba igoe vaitugu dani,
 Vaugithatha i thabota ;
 Ogagna Jesse basegna,
 Va thaba.....

Komi Martyr va thaba Lord,
 Ke kilo gamu gohi ;
 Mamatho lealea duagna,
 Va thaba.....

Vike Israel da veletokea,
 Ke raro vi gamu ;
 Hati augamu Misraim,
 Va thaba.....

Va thaba ra varigna David,
 Eigna pagusugna Lord ;
 Havi mai kori vikemi,
 Va thaba.....

Mara na koakoa vathaba Lord,
 Ke boi sonigamu mua,
 Komi fata vavuha gua,
 Va thaba.....

Vike gongovu i saragna,
 Sokara i nagogna,
 Da ninili heta vania,
 Va thaba..... Amen.

Ember.

13.

A. & M. 354

Na tootogo ke hutu eni, Lord,
 Itagna na maramagna ;
 Mi mara na komi mane tano
 Kena boi sethe mua.

Igami kiti haidu mai
 Kitida kae huhurugo ;
 Gi koda lubatia maia
 Nimua na mane tano,

Lord, Ko da vetulara mai,
 Kori maramagna *gongovu* ;
 Me haluhadi God, na raro vi,
 Tagna na meleha mami.

Ko hera mara na komi Bishop,
 Na maua, ma na vetula ;
 Me kedana tuturi tatea,
 Roorono ke tutuni.

Na komi Priest, kedana adoa,
 Na vano hehemu ke tabu ;
 Na komi Deacon kedana heta,
 Kori puhi talulegu.

Eidia gua na mavitu Lord,
 Da ronovia na vetula ;
 Da boi fate vathehegami,
 Kori tabiru amu mai. Amen.

